



Til drosjesentralane i Bergen køyreområde

Dato: 04.12.2017
Vår ref.: 2017/15505-2
Saksbehandlar: annvedv
Dykkar ref.:

Løyveforvaltninga i Hordaland løyvedistrikt 2016 - revidert drosjereglement for Bergen køyreområde

Fylkesutvalet handsama sak om løyveforvaltninga i Hordaland løyvedistrikt 2016 i møte 22.11.2017 og fatta følgjande vedtak:

1. Fylkesutvalet tek evalueringa av drosjeforvaltninga i dei prisregulerte områda i Hordaland til etterretning. Det er ein målsetnad at det er fleire løyvehavarar i kvar kommune.
2. Fylkesutvalet tek evalueringa av drosjeforvaltninga i Bergen køyreområde til etterretning.
3. Fylkesutvalet ber om at det vert lagt fram eiga sak med behovsprøving av selskapsvognløyva i Hordaland. I saka bør søknadsprosessen vurderast. Fram til behovsprøvinga ligg føre, bør det ikkje tildelast nye selskapsvognløyve i Hordaland.
4. Fylkesutvalet godkjenner at punkt 2.11 kulepunkt 2 i drosjereglementet for Bergen køyreområde går ut og vert erstatta av nytt kulepunkt:
 - «Rapport om kor mykje kvart løyve har køyrt i løpet av inntektsåret innan 31. juli kvart år, jf. pkt. 3.5. Det skal gå fram tal på køyreoppdrag, brutto inntening (både kontant- og kredittkøyning) eksklusiv meirverdiavgift, køyrde kilometer for kvar einskild drosje, tal timar i drift, tal timar ledig, tal timar opptatt, tal køyreoppdrag, samt kor mange tilsette som har køyrt på drosjen i året.»
5. Fylkesutvalet godkjenner at drosjereglementet for Bergen køyreområde får nytt 2. ledd: «I den daglege drifta kan løyvehavar med reserveløyve, nytta dette når løyvehavar sin ordinære drosje står i ro, dersom slikt byte inngår i ein dagleg skiftplan mellom dei to løyva.»
6. Fylkesutvalet godkjenner at ein held fast på prinsippet om fri flyt av løyvehavarar mellom sentralane, jf. drosjereglementet for Bergen køyreområde pkt. 3.6.

I pkt. 5 i vedtaket var henvisinga til pkt. 4.3 falt ut, men dette går fram av saka. Vedlagt følgjer revidert revidert drosjereglement gjeldande frå 22.11.2017.

Rolf Rosenlund
seksjonsleiar

Anne Vedvik
seniorrådgjevar

Brevet er godkjent elektronisk og har derfor inga underskrift.